


Акафист
блаженному
Иоанну,
Одесскому чудотворцу.



Акафист

блаженному

Иоанну,

Одесскому чудотворцу.

Кондак 1.

Избранный Спасителем юродствовать ветхому миру падшему, / и быти ему звездою, во тме светящею, ко Христу приводящею, / обрадованием стал еси града нашего / и людем его православным, тебе поющим: /

Радуйся, отче блаженне наш Иоанне, // Одесский чудотворче.

Икос 1.

Ангелу пустыни, Предтече и Крестителю Христову тезоименит, ангелом Пальмиры Южняя новья русския на море Черном стал еси, Господом посланным спасати страждущих детей Божиих, да

утешаеши и уверяеши о тебе радующихся:

Радуйся, не в туне на свет Божий явльшийся; радуйся, людей сотворение Господом оправдавший. Радуйся, новорожденным крещен в Вере христианской; радуйся, в Православии окормлявшийся и возраставший. Радуйся, молитвам домашним и храмовым охотно навыкавший; радуйся, Ангела Хранителя твоего от купели Крещения радовавший. Радуйся, святого Иоанна, сына Захарии и Елисаветы праведных, небесным твоим покровителем имевший; радуйся, Величайшаго из рожденных женами по словеси Спасителя Христа достойно почитающий. Радуйся, подвигам его издетска учившийся; радуйся, и сам греха чуждавшийся, и иных примером своим в покаянии утверждавший. Радуйся, Благодати Божией соименный; радуйся, по имени твоему жительствовавший.

Радуйся, отче блаженне наш Иоанне, // Одесский

чудотворче.

Кондак 2.

Видя любовь и веру Петра, дьячка из рода священника Корнилия Жуковскаго, и жены его Марии в Троице Святей славимый Бог дщерию Надеждою и сынами Петром, Николаем и Иоанном сия приумножил еси, да поют купно:

Аллилуиа.

Икос 2.

Разум усовершенствовавшия в семинарии Одесской Петр и Николай священниками стали еста, а малей в братии своей яко Давид Иоанн нищим и странным бысть ради Христа, в гонениях и лишениях верою крепнувшим и радующимся:

Радуйся, рода потомственного священников порождение; радуйся, родителей богоугодных младшее чадо. Радуйся, дьячка Петра из Нерубайскаго Одесскаго третий сыне; радуйся, похвало и славо

матери твоея Марии. Радуйся, Корнилия священника благочестнаго праправнук; радуйся, священника Петра брате и искренний друже. Радуйся, священника Николая, средняго из братьий, подражателю Правыя веры; радуйся, Надежды, старей из детей Петра и Марии отрадо. Радуйся, Богу служити зачатый и рожденный; радуйся, хотя и престолов земных олтарей не прикасавшийся, не священствовавший. Радуйся, инаго рода святости сподобльшийся; радуйся, в блаженстве просиявший народа Божия священства царственнаго небеснаго.

Радуйся, отче блаженне наш Иоанне, // Одесский чудотворче.

Кондак 3.

Силою Крестною Христовою ограждаемый и Духа Святаго благодатию освящаемый и просвещаемый в притворе церкви Димитриевския, единыя в Одессе не закрытыя, молился еси, град сохраняя сей

и твердо о сем взывая:

Аллилуиа.

Икос 3.

Имея дары духовныя пребогатыя прозорливости, чудотворения, молитвы Богу приятныя, любви совершенныя ко Творцу всего и вся и словесному Его творению, известен тобою утешенным человеком соделывался еси, тебе взывающим:

Радуйся, на особыя подвиги Господом избранный; радуйся, затворничеству сродный, на паперти храмовой пребывая в сердечной клети затворявшийся. Радуйся, трезвением к безстрастию возшедший; радуйся, молившийся непрестанно. Радуйся, не сам уже живой, а со Христом пребывавший; радуйся, разум стяжавший благодатный. Радуйся, любви мучения испытавший; радуйся, Христа ради мира чуждавшийся. Радуйся, ругавшийся сему кажущимся безумством; радуйся, юродивым

ставший не объюродевшим, а во Христе юродствовавшим. Радуйся, и третияго служения изряднаго в Духе Святом сподобившийся; радуйся, наставником душеполезным братьям и сестрам бывший истинным, непрелестным.

Радуйся, отче блаженне наш Иоанне, // Одесский чудотворче.

Кондак 4.

Бури враждебныя Церкви Христовой Православной и верным ея и искренним пастырям с паствою якоже древле святитель Чудотворец Николай в граде твоём упокоивал еси, да вера при сих колеблемая утверждается поющих:

Аллилуиа.

Икос 4.

Слышавшия краткия, но силою Божию исполненныя указания твоя по заповеди Господа и Спаса нашего Иисуса Христа, и с верою соделавшия я на

пользу себе и ближним, николиже печаловашеся о сем, зовуще:

Радуйся, не имевший, идеже себе приютити; радуйся, землею и камением бренное тело испытывавший. Радуйся, волею подвижническою холодавший и голодавший; радуйся, мало спавший и много молившийся. Радуйся, постившийся строго и не себе, а прочих питавший; радуйся, не точию богатства презревший, но и подаяния нищенския раздававший. Радуйся, намеренно разутый и раздетый; радуйся, по Серафиму Саровскому томящаго тя томивший. Радуйся, храм Божий чтущий молитвенник его неусыпный и безмездный привратник; радуйся, молившимся в храме труждающимся бедным и обремененным болезнями и скорбями тайно и явно помогавший. Радуйся, презираемый духовными слепцами; радуйся, призираемый зрящими духовными очами и слышащими душевными уше-

сами.

Радуйся, отче блаженне наш Иоанне, // Одесский чудотворче.

Кондак 5.

Боготечно с Димитриевскаго погоста на Большой Фонтан Одессы на Архангела Михаила обители женския над морем мельничный скит пасти кормилиц коров послушницам помощі преселился еси, тяготы их нося и пение разделяя:

Аллилуиа.

Икос 5.

Видя труды на мельнице монастырской послушницы с монахини Михайловския девицею сродницею, с телицею в монастырь пришедшею, помогал еси сим послушания нести, молитися уча и службами в храме дорожити и Таинствами:

Радуйся, яко до грехопадения их глава союза Евы и Адама; радуйся, помощницам прародителя

преемникам покровительствовавший. Радуйся, целомудренный учениче Спасителей; радуйся, целомудрию девам и женам учителю. Радуйся, Господу Иисусу Христу Сыну Божию безупречно служащий; радуйся, молитвы Иисусовы делателю непрестающий умно-сердечный. Радуйся, неизреченно смиренный и кроткий; радуйся, смирению и кротости знавших тя сподоблявший, высоту твою сознававших. Радуйся, яко Антоний Великий по Ангела видению и молившийся, и трудившийся неутомимо; радуйся, душу твою за ближних полагавший. Радуйся, жизнь святую обретший сим и дерзновение ко Господу священное; радуйся, самому и сотрудницам жаждавший молиться в церкви за Литургиею и Таин Христовых во спасение приобщения.

Радуйся, отче блаженне наш Иоанне, // Одесский чудотворче.

Кондак 6.

Проповедати немцем в войну не убоялся еси поражение от воинства отечественнаго, и Богом яко пророк Его храним, рубище свое на живот со спины обратив и подпалив, в море ввергся еси показуя им, яко побегнут и они такожде от поющих:

Аллилуиа.

Икос 6.

Возсиял еси и в самом монастыре Архангело-Михаиловском, насельником сего став и вольным ради Христа подвижником-трудником, работы тяжкия и грязнящия взявше на ся, непосильныя женам, тобою возрадовавшимся:

Радуйся, истинный Божий пророче; радуйся, в Господе вся ведавший. Радуйся, проповедати правду не боявшийся; радуйся, глаголавший ю и делами показывавший. Радуйся, предивно Христом хранимый; радуйся, и иных христиан хранящий. Радуйся,

с окраины града нашего в средину его перешедший; радуйся, в стенах обительских водворившийся. Радуйся, в келии тесной с иконою Иоанна Пророка главы усекновения токмо молившийся; радуйся, на кровати железной непокрытой покою кратчайшему предававшийся немощи ради человеческия. Радуйся, ангеле хранителю во плоти женския монашеския обители во времена гонительныя; радуйся, приявший на ся труды по ней утомительныя и уничижительныя.

Радуйся, отче блаженне наш Иоанне, // Одесский чудотворче.

Кондак 7.

Хотя чистоту в обители сей внутреннюю сестер и внешнюю блюсти, труды очистительныя полагал еси рачительно. И сам в нищете опрятен быв, от со-ра двор обметал еси тщательно и прозорливо очищал еси совести поющим:

Аллилуиа.

Икос 7.

Новаго чудотворца угодника Божия тебе имамы, якоже бо Мирликийский добрый пастырь некогда град свой нощию обходя, глада, нужды, болезней и смерти паству свою избавлял есть, и ты труждался еси о благодарственно поющих:

Радуйся, добровольный безкровный мучениче; радуйся, Мессии Христа свидетелю Миссии спасительныя. Радуйся, знавший и исполнивший все Его заповеди; радуйся, и совершенства безкорыстия совет Иисус Христов юноше в Евангелии преподаанный с решимостию соблюдоший. Радуйся, земнаго всего отрекшийся дабы́ вселиться в Небеснем Граде; радуйся, с Василием нагоходцем Блаженным подвиги разделивший. Радуйся, могущий рещи с ним: лютый мраз претерпеваю на земли, да буди Рай сладок; радуйся, кормильцем бывший в оби-

тель приходившим странным и нищим. Радуйся, сестер монастырских в обидах и огорчениях подкреплявший; радуйся, обидящих и огорчавших исправлявший. Радуйся, милующий всех и любящий; радуйся, лик твой прекрасный чернивший да жен не искусиши.

Радуйся, отче блаженне наш Иоанне, // Одесский чудотворче.

Кондак 8.

Странен и дивен видевшим тя с на раскрытых ветрам персе́х нательным на вервице крестом, в заплатанных рубахе и портках, и всегда босый, зимою в жилете и шапке наыворот был еси к тому с всегдашнею из Псалтири молитвою:

Аллилуиа.

Икос 8.

Весь и всегда любовью к Богу Любви и ближним исполненный духом горя, свещею не под спу-

дом, а на свещнице поставленною являлся еси, тьму прогоняя и хлада избавляя знаемые и незнаемые, о сем радующийся:

Радуйся, не кольчугою с шлемом и щитом от демонских браней ограждавшийся; радуйся, исполненный Духа Святаго благодатною силою сих отражавший. Радуйся, не меч, булатом разящий, на них обнажавший, а меч молитвы богоприятныя; радуйся, стихии земныя презревший, телам вредящия изнеженным и безблагодатным. Радуйся, едва прикрывавший рубищем ветхим дамаску подобное твое тело; радуйся, жалевшим тя удостоверивший тепло в тебе Божие, снег растопившее твоими ногами и на земле осушенной тя стопами босыми поставившее. Радуйся, Богом явленный Божиим людем; радуйся, сам взыскующий погибающих во страстях, грехах и болезнях смертных. Радуйся, радости скорбящих; радуйся, умиротворение враждо-

вавших. Радуйся, разсеяния и парения помыслов старанием и вниманием избегати повелевавший; радуйся, молитися Господеви всем сердцем, душою всею и помышлением всем с любовью к Нему таковою же назидавший.

Радуйся, отче блаженне наш Иоанне, // Одесский чудотворче.

Кондак 9.

Всякое испытание, людем православным выпадаемое, с мучающимися и беспомощными деятельно разделял еси, Господом извещаемый о них Святым Духом, болеющих выхаживая и голодающих кормя, о сем поющих:

Аллилуиа.

Икос 9.

Ветийства чуждаяся, прерывистою быстрою речию, гласом высоким тонким пророчески к молитвам о напаствуемых и к смерти приближающихся

сродных и ближних им призывал еси, и сам обо всех сих моляся:

Радуйся, день весь с восхода и до заката солнечнаго в обители Архистратиговой подвижничавший; радуйся, в нощи ограду ея оставлявший и к пропадающим направлявшийся мирянам знатным и незнатным. Радуйся, не позволявший им умирати от глада; радуйся, опрятывавший лежащих болящих. Радуйся, топивший печи замерзающим; радуйся, детей малых до сытости принесенным тобою питавший. Радуйся, духом узнававший о злых обстоятельствах людей, ты незнающих; радуйся, Господом известуемый, идеже пребывают они и в чем нуждаются. Радуйся, старательно таившийся ото всех и таивший твои добродетели; радуйся, Богом открываемый да Господа славят за раба Его добраго и благаго. Радуйся, на молитвенное стояние поднимавший всех в помощи Божией нуждавшихся, то-

бою о сем известуемых; радуйся, всегда слышимый Богом Святою Троицею и Богородицею, Милующими и Спасаящими.

Радуйся, отче блаженне наш Иоанне, // Одесский чудотворче.

Кондак 10.

Спасти хотя монашенок Свято-Михайловских многия из них вразумлял еси сочувственно, изъяны желаний и помыслов их ко благу изменив и дел их не по Евангелиям последствия вредныя пророчески, да поют исправленные:

Аллилуиа.

Икос 10.

Стеною ограждения от мук адских становился еси живущим и почившим, пред Спасителем, Ему же Бог Отец Суд весь предал есть, молитвы ходатайственныя за них возносив и слезы пролив покаянныя, и слыша их радуйся:

Радуйся, не безразличный к погибели ближнего;
радуйся, Христовою Любовию преисполненный.
Радуйся, для жизни Вечная самоумерщвлявшийся;
радуйся, умертвивший в себе человека ветхаго по
Адаму Праотцу. Радуйся, во Свете Нетварном Хри-
ста Сына Божия узревший души твоея очищение и
просвещение; радуйся, сим воскресший до общаго
душ Воскрешения душею и светом души своея си-
яющий. Радуйся, во свете сем лучше и дальше ви-
девший неже демоны; радуйся, на сих ратоборство-
вавший всепобедительно, и Богу угождающий. Ра-
дуйся, избегнувший ада и бегати сего прочим по-
соблявший; радуйся, лукавыми духами ненавиди-
мый яко Христу последовавший и подражавший.
Радуйся, бесов побеждавший и прогонявший и
ныне побеждающий и прогоняющий; радуйся, Ан-
гелов и Святых Лики собою пополнивший, Бога на
Небе славящих.

Радуйся, отче блаженне наш Иоанне, // Одесский чудотворче.

Кондак 11

Пение достодолжное Господу и Пречистой Марии Божией Матери приносили еста, Иоанне отче и сподвижнице твоя Анастасия девственная послушнице, очима небесныма в Небо смотряще и слышаще Ангельское пение:

Аллилуиа.

Икос 11.

Светосиянию подобны быша твои забота о ближних и участливость, от мрака уныния в печалех и тела с душою безсилия и дремания избавляющия, и всякия хвори врачующия, даже неизлечимыя раковыя, глашати тя научающия:

Радуйся, единый душою и духом с праведными; радуйся, преподобно живший и спасавшийся. Радуйся, заповеданное в Евангелии Закона и Проро-

ков главное в любви к Богу и ближнему твоему воплотивший; радуйся, собою пренебрегавший и жертвовавший безоглядно. Радуйся, не угождавший себе корыстолюбиво; радуйся, Господа ради людям послуживший. Радуйся, слепнущим зрение возвращавший; радуйся, боли нестерпимыя прекращавший. Радуйся, не снадобиями, а воздыханием ко Творцу врачевавший; радуйся, юродствуя объедками и варевом трапезным обливанием с верою и без веры в помощь сих абие излечивавший о помощи просивших. Радуйся, Анастасию деву вымоливший в тяжкой болезни; радуйся, с нею молящееся сам избавленный вреда и страданий от копытом коня нечаяннаго сильнаго ударения.

Радуйся, отче блаженне наш Иоанне, // Одесский чудотворче.

Кондак 12.

Благодати пророческия кладезем быв, и смерти

твоей сподобил еси бывших с тобою в монастыре
яснаго предречения, сном праведника уснув и с
праведными причтен, вселился еси в селениях Рай-
ских со духи праведных, взывающих:

Аллилуиа.

Икос 12.

Поюще у места погребения и упокоения тела
многоподвижника твоего на том же Димитри-
евском, молитвами твоими освященном погосте,
многая чудеса, совершаемая тобою, яко донныне
посреди нас живому глаголем:

Радуйся, чрез Господа Бога ведавший о самых
разных людех; радуйся, Имже предварен о поприща
земнаго твоего завершения. Радуйся, сыновне бо-
явшийся огорčiti Спасителя; радуйся, памятию
смертною от юности обладавший не убоявшийся
смертнаго часа. Радуйся, опытный и уверенный в
исполнении Господня определения; радуйся, без

смущения о скорой кончине твоей Анастасии и иным прорекший. Радуйся, действительно в бури день премирно преставившийся бури укрочавшему на море Генисаретском Господу; радуйся, благоговейно отпетый в монастыре Михайловском и на руках принесенный на кладбище. Радуйся, насыщавший борщами, кашами и хлебами множество немущих; радуйся, Анастасиею, босоногою якоже и ты, тридесять лет у могилы твоей поминаемый нищим и бедным заупокойными трапезами. Радуйся, яко душею Престолу Вышняго предстоя, мощей твоих цельбоносность являеши; радуйся, яко не точию близ них, но и везде на Земли тя призывающих слышиши и просимое исполняеши.

Радуйся, отче блаженне наш Иоанне, // Одесский чудотворче.

Кондак 13.

О, блаженне Иоанне наш отче, во Христе подви-

завшийся подвигом юродства во время безбожия господства, и міру чужд, спасавший чудотворно верных Богу, окрест живущих, уча Ему благодарственно выну пети:

Аллилуиа.

Сей кондак глаголется трижды. И паки читаем:

Икос 1.

Ангелу пустыни, Предтече и Крестителю Христову тезоименит, ангелом Пальмиры Южняя новья русския на море Черном стал еси, Господом посланным спасати страждущих детей Божиих, да утешаеши и уверяеши о тебе радующихся:

Радуйся, не в туне на свет Божий явльшийся; радуйся, людей сотворение Господом оправдавший. Радуйся, новорожденным крещен в Вере христианской; радуйся, в Православии окормлявшийся и возраставший. Радуйся, молитвам домашним и храмовым охотно навыкавший; радуйся, Ангела

Хранителя твоего от купели Крещения радовавший. Радуйся, святого Иоанна, сына Захарии и Елисаветы праведных, небесным твоим покровителем имевший; радуйся, Величайшаго из рожденных женами по словеси Спасителя Христа достойно почитающий. Радуйся, подвигам его издетска учившийся; радуйся, и сам греха чуждавшийся, и иных примером своим в покаянии утверждавший. Радуйся, Благодати Божией соименный; радуйся, по имени твоему жительствовавший.

Радуйся, отче блаженне наш Иоанне, // Одесский чудотворче.

Кондак 1.

Избранный Спасителем юродствовати ветхому миру падшему / и быти ему звездою, во тме светящею, ко Христу приводящею, / обрадованием стал еси града нашего / и людем его православным, тебе поющим: /

Радуйся, отче блаженне наш Иоанне, // Одесский чудотворче.

Молитва.

О, преподобне наш Старче Иоанне! Вѣдомый, почитаемый и любимый православными христианами Одессы и мира всего христианскаго. В селе рожденный близ нашего града, отонудуже камени под землею вырезалися суть для его благолепаго созидания, пространная катакомбы образующе, подобныя Римским. Дьячка смиреннаго последний сыне, воспитан был еси им, материю и сестрою с двумя еще братьями в искреннем и деятельном Православии. Братия твоя священствовали суть, ты же пред смутою, Царству русскому разорительною, завершил еси учение в Одесской духовной семинарии. И не священством Богу служил еси, а предивным и редким подвигом Христа ради юродства. Егоже Бог дарует и приемлет лише от редких по-

движников и подвижниц, до смерти самоотверженных в подвигах и не точию смиренных, но самых из самых кротких. Ум имеющих обширный и богопросвещенный, хитреца лукаваго перехитрити могущий, яко перехитрил его есть Сам Спаситель, Всехитрецом именуемый церковным песнописцем, удицею Вочеловечения Своего, немислимаго прочим, кроме Премудраго и Премилостиваго Бога, уловившим завистливо уловившаго в Рай земном первых человеков. И ты, возлюбленный Богом, Богородицею, Святыми и грешными нами по Благодати Божией нареченный от купели крещения Иоанне, бесов уловлял еси и пришедших ко власти в стране нашей христоненавистников богоборцев внешним твоим придумываемым нарочито буйством. Разутый, раздетый и босоногий. Чумазый и яко нищий последний безобразный. Но духом великий и мужественный, умом ясный и делами при-

точный, хладный и гладный, молчаливый и скорбный, но не унылый или отчаянный. Не имел еси, якоже и Христос Спаситель, идеже главу приклонити и упокоитися. В притворе церковнем храма святителя Димитрия, Ростовскаго Чудотворца на кладбище Втором христианском и на могилах его ютился еси днем и нощию. Являемый Богом рабом Его искренним, в вере гонимым, и в единый не закрытый в Одессе храм той твой молитися приходившим. По сем вселение твое в обитель Архангела Михаила женскую предваряя, в скиту ея мельничном временно водворился еси, коров пася и на мельнице с сестрами безмездно и полезно труждаяся. И в самом уже монастыре сем подвизался еси за сим блаженствуя во Христе, юродствуя обьюродившему уже міру. В честь и память Иоанна Предтечи и Крестителя Спасова наречен, ему подражал еси в твоём жительстве. Его икону Усекновения

главы в келийце держа и одр железный малый без покровов, для сна неудобный. Двор монастырский в опрятности и чистоте содержал еси, очищал еси выгребныя ямы, и сам душею и телом чист при сем, чистоту соблюдал еси душ монашенок-сестер твоею премудростию во Христе и от Духа Свята прозорливостию. Еще же и целебником предивным стал еси, страждущим безмедно помогая по дарованию Божию. И даже от рака исцеляя. К тому еще и питателем был еси нищих и страных в обители твоей и в граде. Нощию нуждающимся и пропадающим там вспомоществуя. Внегда же жизненный твою путь совершил еси Промыслом Божиим, Господом извещен был еси об упокоении твоём от трудов праведных на Земли и в Рай Небесный воздаятельнаго преселения. На кладбище среди монашествовавших погребен, помогаеши благодатию Господнею всем к тебе притекающим: обижаемых защищаеши, к

жизни возвращаеши безвременно умирающих, недужных и больных врачуеши, нестроения житейския и духовныя искореняеши. И с поминовением о упокоении и ныне, якоже и при жизни сам питал еси людей многих, с недиями насыщаеши и освящаеши благодатно. Мы же, благодаряще в Троице Святей славимаго нашего Господа и величающе Пресвятую Приснодеву Марию Богородицу о тобою подаваемой всяческой щедрой помощи, явной и чудотворной, в Вере правой нашей укрепляемся и делами веры хотим подвизатися ради Их заповедий и твоя, отче наш святой, блаженныя памяти. **А**минь.

